



UNIVERSITÄTS-  
BIBLIOTHEK  
PADERBORN

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

Hebdomas VIII. Post Trinitatem.

---

[urn:nbn:de:hbz:466:1-60091](#)

5. Hebd.  
post  
Trinit.

Dominica VIII. Post Trini-  
tatem.

I. *De falsis Prophetis. Matth. 7.*

**A**ttendite à falsis prophetis, qui venti-  
unt ad vos in vestimentis onium,  
intrinsecus autem sunt lupi rapaces! Su-  
picienda hic primùm reuerenter in-  
scrutabilis sapientia Dei, tot falsos  
doctores, & animarum peruersores,  
hæreticos, hypocritas, politicos, Sa-  
thanæ ministros tolerantis; electos  
que suos ab his, vti à mundi blandi-  
tijs, carnis illecebris, dæmonumque  
versutijs assiduè tentari permittentis:  
Vt sic exerceantur, probentur, & glo-  
riosius curentur. Deinde similiter  
collaudanda & amplectenda infinita  
bonitas eiusdem, tam benignè fideles  
suos præmonentis, ne externa specie  
boni apparentis se ab illis decipi si-  
nant, sed larua detracta, quales intus  
sint, attendant, sicque eorum la-  
queos declinent, idqne ex insatiabili  
majoris corum in gratia & gloria  
profe-

profectus desiderio. Reuerentia erga occulta iudicia Dei, feruor serio in spiritu proficiendi, omnesque hostium technas constanter eludentes.

II. *A fructibus eorum cognoscetis eos.* omnis arbor, qua non facit fructum bonum, excidetur, & in ignem mittetur. Ex eodem maioris nostri profectus spiritualis desiderio seductores & lupos ouina pelle tectos cognoscendos moneret ex fructibus; quos proferunt: cuiusmodi sunt conscientiae inquietudo, liberior sacrarum legum & regularum transgressio, feruoris, pietatis, & disciplinæ imminutio, difficultatum in via perfectionis aggrauatio, proprior in varias imperfectiones prolapso, incostantia in sanctæ vite proposito: simulq; inculcat ab omnibus fidelibus, veluti rationalibus arboreis, in domo Domini secus decursus aquarum gratiarum cœlestium plantatis, ni velint excidi, & in gehennam mitti, esse fructus diuino conspectu dignos proferendos; cuiusmodi sunt studium puritatis conscientiae per expiationem peccatorum, mortificationem vitiorum, refreicationem passionum, victoriam tentationum;

Li 6

profe-

profectus in solidis virtutibus per eorumdem actuum internorum exter-  
norumque assiduam exercitationem:  
& intimæ cum Deo vñionis , incre-  
mentum per seriam actuum charitatis  
& resignationis frequentationem.  
Feruor seductores cauendi, & solidos  
perfectionis fructus progerminandi.

III. Non omnis, qui dicit mihi : Domi-  
ne, Domine, intrabit in regnum cœlorum,  
sed qui facit voluntatem patris mei, qui  
in cœlo est. Quod in simili citato de-  
clararat, nunc apertius inculcat, nem-  
pè vnicam ad regnum cœlorum viam  
esse exactam diuinæ voluntatis adim-  
pletionem, quæ non est alia , quam  
maior sanctificatio nostra in via , ma-  
ior glorificatio in patria , indeque,  
maiore emergens cœlestis Patris æter-  
na gloria. Feruor amplectendi &  
exequendi perfectissimè diuinam  
voluntatem , & profici-  
endi in omni per-  
fectione.

De

## De secessu Christi ad orandum. II.

Marc. I.

I. Iesus fessus pridie consolando & sanando in domo Simonis infirmos & energumenos, diluculo valde surgens egressus abiit in desertum locum, ibi oravit. En boni Pastoris & veri Zealatoris animarum exemplum! Pius Dominus diem totum & bonam noctis partem rudes docendo, ægros sanando, afflitos iuuando impenderat, reliquam insuper noctis partem pro iisdem vigilat & orat, idque quanto zelo, quanto omnes ad sui imitationem prouocandi desiderio! Feruor in exercitijs deuotionis, & in ministerijs charitatis erga proximos.

II. Prosercutus Iesum Simon cū socijs, cū inuenisset eum, dixisse qd ei: omnes quarante: Eamus, inquit, in proximos vicos, & ciuitates, ut ibi pradicem, ad hoc enim veni.

Quam feruenter oprat zelosissimus animarum Sponsus suum nos zelum æmulari, & cum Sponsa nos inuicem ad querendas lucrandasq; animas excitare: Egrediamur in agrum, commo Cant. 7.  
remur in villis, mane surgamus ad vineas.  
Zelus laborandi in vinea Domini.

Ii 7

III. Ec

III. Et erat predicans in Synagogis eorum, & in omni Galilaea, & demonia ieiiciens. En ut docet exemplo, ad quod inuitarat verbo, indefesso zelo viros & vrbes circumcursando, oues errantes querendo, ignorantes docendo, afflictis opitulando! Zelus proximos omni ope iuuandi.

III. De tribus volentibus sequi Christum, reiectis. Matt. 8. Luc. 9.

I. Volenti Christo transfretare, accedens unus Scriba ait: Magister, sequar te, quocunque ieris. Et dicit e Iesus: Vulpes foueas habent, & volucres cœli nidos, Filius autem hominis non habet, ubi caput suum reclinet. Quanta dignatio Filij Dei, qui cum esset diues, tam pauper amore nostri voluit fieri: quanta gratia posse ac velle efficaciter nudum Iesum sequi? Aestimatio & amor paupertatis, & gratiae vocationis.

II. Alius ait illi: Domine permitte me primum ire & sepelire patrem meum: Iesus autem ait illi: sequere me, & dimicte mortuos sepelire mortuos suos. Quam vere pretiosa vocationis gratia, quæ nec sit tarda molimina! Si eam quamprimum acceptare renuis, indignus ea censeris, nec te retardet erga parentes pie.

pietas, cùm te affectum sanguinis exuere iubeat Veritas. Per calcarum perge Hieron. patrem, & sic ad vexillum Crucis euola. Ep. ad nam pietatis genus est in re tanti momenti Heliodor. esse crudelem. Mortificatio affectus carnalis, feroꝝ sequendi vocantem Deum.

III. Et ait alter: Sequar te Domine, sed Luc. 9. permitte mihi primum renuntiare his, qui domi sunt. ait ad illum Iesus: Nemo mittens manum suam ad aratrum, & respi- ciens retrò, aptus est regno Dei. En quām necessaria oīnāmoda abnegatio carni- nis, & sanguinis, volenti sequi vesti- gia Saluatoris! Vis ergo viuere & ad- hærere vocanti Christo, morere quā- primū & constanter carni, sanguini, mundo, nec ynquam respice retrò. Abnegatio omnis affectus carnis & sanguinis.

## De duobus Dæmoniacis curatis.

IV.

Matt. 8. Marc. 5.

I. **D**elatus Iesus in regionem Geraseno- rum Galilæa oppositam, obuios ha- buit duos dæmoniacos de monumentis exe- untes, sauos & nimis clamantes: Quid no- bis & tibi Fili Dei, venisti hic ante tempus torquere nos? quos à dæmonibus libe- razuit.

Quan-

Quanta potentia Saluatoris sic dæmones præsentia sua cruciantis , nutu solo ejicientis ! quanta misericordia & benignitas eiusdem , energumenos illos à tanta legionis dæmonum tyrannide liberantis ! Similem cuius peccatori exhibet, quem à peccato lethifero liberat. Gratitudo, horror peccati, per quod peccans fit seruus dia-boli.

II. *Dæmonibus rogantibus* : Si ejcis nos mitte nos in gregem porcorum, ait : Ite. Et ecce impetu abiit tatus grex per præcepis in mare. Quam horrenda dæmonum tyrannis ! Si sic sœuiunt accepta licentia in porcos, quanto crudelius, si ijs licet, etiam in hac vita , sœuirent in homines instar porcorum viuentes, immundos, ingratos, impios ! quanto tandem atrocious in eosdem accepta plenâ in eos potestate desœuient in altera ! quanta gratia ab hac tanta tyrannide paternè præseruari , aut misericorditer liberari ! Gratitudo, horror cuiusuis peccati, sollicitudo euadendi pœnas inferni.

III. Incolæ moniti de his à pastori-bus diffugientibus, exeuntes obuiam Iesu , rogabant ut transiret à fisiibus eorum. Eheu quot mundi carnisque blan-

blanditijs capti cum stultis Gerasenis Christum æternam ijs salutem imperire paratū à se repellunt, ne vel temporalium bonorum, vel fœdarum suarum voluptratum, aut speratarum dignitatum iacturam faciant? Abnegatio & odium mundi & concupiscentiarum eius.

*De vocatione Matthæi. Mått.9.* V.

Luc. 5.

I. *I*esus vidit hominem sedentem in telone Matthæum nomine, & ait illi: *S*equere me. Et surgens secutus est eum. Felix, quisquis meretur sic à Christo respici, tam efficaciter vocari, in momento à terrenarum cupiditatum pedicis expediri, in alium virum secundum cor Dei conuerti. quām gratuita illa gratia! quām immensa misericordia! Gratitudo, amor, fēruor cōoperandi gratiæ.

II. *E*ccepit ei conuiuum magnum in domo sua. Quanto affectu gratitudinis pro gratia tam sublimis vocationis! quanto zelo alios publicanos & peccatores ideò inuitatos ad Christi agnationem amoremque trahendi, ut eiusdē secum gratiæ mererentur consortes effici. Gratitudo, zelus alios ad Christum trahendi.

III. Ie-

II I. Iesus murmurantibus Pharisaïs & Scribis, quod cum publicanis & peccatoribus manducaret, respondit: *Non est opus valentibus medicus, sed male habentibus.* Non enim veni vocare iustos, sed peccatores. Quis quantumvis enormis peccator, modo ferido resipiscat, devenia consequenda desperet, si Filiū Dei, cœlestem medicum, propter se ad sananda peccatorum suorum vulnera de celo venisse veraciter credat? imo, quem non inflammet ad studium extimæ perfectionis immensa eius misericordia, ut certò & in se comprehendendum confidat illud: *Vbi abundauit dilectum, superabundauit & gratia?* Fiducio, feruens conuersio.

## VI.

De fundamentis per-  
fecti amoris Dei.

De internis amoris 26.p.med.

## VII.

Dei actibus perfe&te  
exercendis.

9

26.p.med.

10

<sup>9</sup>: Hebd:  
post  
Trinit.

Dominica VI. post Trinitatem.

*De Villico iniquitatis. Luc. 16.*

## I.

I. **V**illicus diffamatus, quod dissipasset bona Domini sui, au-  
diens.